

բէջանի և վրաստանի ներկայացուցիչները, Ամերիկեան Կոմիտէի անդամները և ուրիշներ: Պատույ պահակախմբի ուղեկցութեամբ էջմիածնից եկել էր Ամենայն Հայոց Կաթողիկոսը, որ նախադահում էր հոգեհանգիստ-մաղթանքի արարողութեանը:

Հոգեհանգստից ու մաղթանքից և վարչապետի՝ բանակին ուղղած ճառից յետոյ, սկսեց զօրահանդէսը՝ հաղարաւոր ներկաների ծափերի ու ցնծութեան աղաղակներով մէջ: Զօրամասերը՝ հետեակ, հրետանի, ճիւղերը՝ զինուորական նւագի ուղեկցութեամբ, անցնում էին խրոխտ շարքերով՝ յուզելով ու ոգևորելով հասարակութիւնը:

Զինուորներից յետոյ սկսեց աշակերտների, որբերի, արհեստակցական միութիւնների ու ժողովրդի շքերթը:

Հանդէսից յետոյ, տեղի ունեցաւ յայտարարութեան արարողութիւնը: Հայաստանի Խորհրդի մուտքն ու դահլիճը նոյնպէս զարդարւած էին շքեղ՝ դրօշակներով, դորգերով ու ծաղիկներով: Օթեակները բռնւած էին օտար պետութեանց ներկայացուցիչներով: Մի օթեակ յատկացւած էր կաթողիկոսին և իր շքախմբին: Բեմի վրա տեղաւորւած էին Խորհրդի և կառավարութեան անդամները: Դահլիճի առջևի մասում երևում էր զօր. նազարէզեանի պատկանելի դէմքը, միւս կողմը՝ նստած էր զօր. Փիրումեանը: Սրահը բերնէ բերան լեցւած էր հիւրերով ու հանդիսականներով:

Հանդէսին նախադահում էր հանրային կրթութեան և արւեստի նախարար Գ. Մելիք-Ղարաբէկօղեանը, որ մի դրաւոր ճառով բացատրեց հանդէսի նշանակութիւնը, որից յետոյ նւագախումբը հնչեցրեց «Մեր Հայրենիք»-ը, որ լսեց յոտնկայս: Մի պահ տիրեց խորհրդաւոր լուռութիւն, որից յետոյ վարչապետը արտասանեց մի փոքրիկ ճառ և ժողովականների խանդավառ ծափերի մէջ, կարգաց հետեեալ յայտարարութիւնը.

«Հայաստանի ամբողջութիւնը վերականգնելու և ժողովրդի լիակատար ազատութիւնն ու բարգաւաճումն ապահովելու համար Հայաստանի կառավարութիւնը, համաձայն բովանդակ հայ ժողովրդի միահամուռ կամփի ու ցանկութեան, յայտարարում է, որ այսօրանից Հայաստանի բաժանբաժան մասերը մշտնջենապէս միացած են իբր անկախ պետական միութիւն:

«Ուղիղ մի տարի առաջ, ռուսահայերի համագումարից ընտրւած Հայոց Ազգային հորհուրդը յայտարարեց իրեն անդրկովկասեան հայկական գաւառների բարձրագոյն իշխանութիւն: Ազգային հորհրդի կազմած կառավարութիւնն այդ քաղաքական ափսի մասին պաշտօնապէս պետութեանց ներկայացուցիչներին յայտնելուց յետոյ, այս մի տարւայ մէջ փաստօրէն հաստատել է իր իշխանութիւնն Անդրկովկասի հայկական գաւառներում:

«1919թ. փետրւար ամսին երևան քաղաքում կայացած Արևմտահայ երկրորդ Համագումարը հանդիսաւոր կերպով յայտարարեց, որ նա Հայաստանը միացեալ և անկախ է քանաչում:

«Այժմ, Անդրկովկասում և օսմանեան կայսրութեան սահմաններում գտնւած պապեանական հայկական երկիրների միացման և անկախութեան այս